



## Ho Bophatlalatsi ba Litaba

Ka la 12 Tšitoe, monongoaha (12 December 2023), Banka e Kholo ea Lesotho e ile ea ntša polelo eo ka eona e neng e phatlalatsa tlhaselo ea marang-rang a eona e ileng ea susumetsa hore litšebeletso tsa marang-rang li khinoe ha nakoana. Ho khinoa hona hoa litšebeletso ho entsoe ka sepheo sa:

1. Ho ithuta botebo le tšenyō e kabang e bakuoē ke tlhaselo ena;
2. Ho hlaola le ho motsula kokoana-hloko (malware) e sebelisitsoeng tlhaselong ena;
3. Ho aha bocha marang-rang a neng a anngoe ke tlhaselo ena; ekasita le
4. Ho ntlafatsa tšireletso molemong oa ho qoba tlhaselo tse tšoanang kamoso.

Banka e Kholo ea Lesotho e tsebisa sechaba hore mosebetsi oa ho khutlisetsa marang-rang a eona tšebetsong o phethetsoe. Sena se bolela hore, litšebeletso tsohle tsa marang-rang li boetse setloaeling, ekasitana le marang-rang a tsamaisang lipatala tse nyenyane le tse kholo kahare le kante ho naha ho tloha kajeno, e leng la 22 Tšitoe 2023.

Banka e Kholo e masoabi ke tšetiso le bolutu tseo ho khinoa ha litšebeletso tsa ho fetisetsana chelete ka marang-rang lipakeng tsa libanka ho li baketseng sechaba. Ha e shape fatše Basotho.

Banka e leboha Mokhatlo oa Libanka Lesotho (BAL) o ileng oa ema le eona nakong ena e boima, o sebetsa bosiu le motšoare, ho etsa sohle se matleng a oona ho bona hore lipatala li feta ka mekhoe e meng ea tšebetso. Banka e boetse e leboha bohle ba nkileng karolo tharollong ea bothata bona ho kenyeletsa basebetsi, metsoalle ea eona machabeng le ka hare ho naha. Banka e leboha sechaba sa Basotho ka mamello maemong a neng a le boima ho sona.

**Bakeng sa Lipotso le Litlhakisetsa, Letsetsa: 58880647**